



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-531/23
Sarajevo, 29.03.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 26. sjednici održanoj dana 29.03.2023. godine, primilo je k znanju

Informaciju o aktivnostima na obnovi vrtića Agan Bostandžić na Širokači.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O AKTIVNOSTIMA NA OBNOVI VRTIĆA AGAN BOSTANDŽIĆ NA ŠIROKAČI

Sarajevo, mart 2023. godine

Adresa: Hamdije Kreševljakovića 3
71000 Sarajevo, BIH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Vrtić „Agan Bostandžić“ nalazi se u ulici Za Beglukom, na lokalitetu Širokača, općina Stari Grad Sarajevo. Ovaj prijeratni vrtić nalazi se u devastiranom i zapuštenom stanju, kako radi ratnih dejtava, tako i iz razloga proteka dužeg vremena neodržavanja i neobnavljanja.

U cilju obnove ovog vrtića, Grad Sarajevo je zaključio Sporazum o reguliranju međusobnih prava i obaveza na realizaciji Projekta obnove vrtića Agan Bostandžić sa Ministarstvom za odgoj i obrazovanje Kantona Sarajevo, Zavodom za izgradnju Kantona Sarajevo i Javnom ustanovom Djeca Sarajeva. Sporazumom je definirano da Grad Sarajevo preuzima ulogu finansijera i nositelja realizacije Projekta obnove objekta vrtića Agan Bostandžić i stavljanja istog u funkciju. Ministarstvo za odgoj i obrazovanje Kantona Sarajevo je koordinator Projekta, dok je Zavod za izgradnju Kantona Sarajevo nadležan za stručni nadzor nad izgradnjom, odnosno rekonstrukcijom objekta vrtića Agan Bostandžić.

Također, trenutno se vrše aktivnosti na usuglašavanju teksta Sporazuma o realizaciji Projekta obnove vrtića Agan Bostandžić sa Općinom Stari Grad, obzirom da se ovaj vrtić nalazi na teritoriju ove općine, kojim se konstatuje da postoji opravdani društveni interes za rekonstrukciju i stavljanje u funkciju vrtića Agan Bostandžić i iskazuje saglasnost i spremnost da se pruži sva neophodna podršku u pogledu realizacije predmetnog projekta.

Za realizaciju projekta, Grad Sarajevo će obezbijediti novčana sredstva u Budžetu Grada Sarajeva te će finansirati izradu neophodne projektno-tehničke dokumentacije i elaborata, kao i izvođenje radova na obnovi objekta vrtića Agan Bostandžić i vanjskog uređenja istog, kao i opremanje istog do stavljanja u funkciju.

U cilju obnove ovog vrtića, Grad Sarajevo je pribavio Idejni projekat koji treba biti osnova za izradu Izvedbenog projekta te naručio izradu Elaborata o inženjersko-geološkim i geomehaničkim ispitivanjima tla sa uslovima fundiranja i analizom stanja postojeće nosive konstrukcije vrtića. Također, Grad Sarajevo je putem Pravobranilaštva Grada Sarajevo uputio nadležnoj općini zahtjev za izdavanja urbanističke saglasnosti za radove na rekonstrukciji ovog vrtića.

Nakon ishodovanja Rješenja o urbanističkoj saglasnosti i izrade potrebnih Elaborata, sporazumne strane će novim sporazumom/ugovorom detaljno definirati prava i obaveze u pogledu pribavljanja preostale dokumentacije potrebne u svrhu građenja, regulirati imovinsko-pravne odnose, kao i definirati prava i obaveze u pogledu izvođenja radova na obnovi predmetnog objekta.

Također, nakon ishodovanja Rješenja o urbanističkoj saglasnosti, pristupit će se izradi Izvedbenog projekta obnove vrtića Agan Bostandžić sa vanjskim uređenjem te ispunjavanju svih uslova iz urbanističke saglasnosti koji će biti uslov za izdavanje odobrenja za građenje.

Po dobivanju odobrenja za građenje, Grad Sarajevo će, u skladu sa Zakonom o javnim nabavkama, provesti proceduru odabira izvođača radova za radove na rekonstrukciji vrtića Agan Bostandžić sa vanjskim uređenjem.